

<><><><><><>

ते हून खबरें दी तफसील कन्नै श्रुति खजूरिया :-

<><><><><><>

LG- Baramulla

उपराज्यपाल मनोज सिन्हा होरें कल बारामुला दे Vibrant Village Uran Bowa दा दौरा लाया। उत्थे उ'नें ग्रामीणें कन्नै मलाटी कीती ते चलाई जा'रदी स्कीमें दा जायजा लैता। उ'नें 94 करोड़ रपे दे विकास कम्में दा उदघाटन कीता ते केंड्रं दा नीह पत्थर रक्खेआ। एह विकास कम्म 83 Vibrant ग्रामं च होआ रदे न। करसानें- युवाएं ते महिलाएं दी भूमिका गी उजागर करदे होई उपराज्यपाल होरें आखेआ जे प्रधानमंत्री नरेन्द्र मोदी हुंदी अगुआई च सरकार सब्भनें दे पूरे पराते बाददे विकास ते ग्रामं गी कस्बे ते शैहरें कन्नै जोड़ने लेई बचनबद्ध ऐ। उ'नें जोर देइयै आखेआ जे साक्षरता- आर्थिक विकास ते युवाएं लेई आजीविका दे मौके पैदा करने पर खासा ध्यान दिता जा'रदा ऐ। इस मौके पर किट्ठे गी सम्बोधित करदे होई उ'नें आखेआ।

इस मौके पर उपराज्यपाल होरें SPO गी नियुक्ति पत्र बी दिते। उ'नें विद्यार्थियें गी Computer लैब ते युवाएं गी मंजूरी पत्र भेंट कीते। उ'नें North Kashmir Football Championship लेई जरसी ते ट्रॉफी थमां बी पर्दा गोआड़ेआ।

<><><><><><>

Terrorist Killed

पुंछ जिले दे कृष्णा घाटी सैक्टर आहली कब्जा रेखा कन्नै लग्गदे इलाकें च सेना नै घुसपैठ दी इक कोशिश गी नाकाम बनांदे होई इक आतंकवादी गी मारी मकाया ऐ। आकाशवाणी जम्मू

संवाददाता दी रिपोर्ट मूजब बन्ने पर तैनात सुरक्षाबलें कब्जा रेखा दे 300 मीटर अंदर भारत आहली भेठा संदिग्ध नक्लो-हरकत दिक्खियें गे अपनी कारवाई शुरु कीती ते घुसपैठियें गी मारी मकांदे होई घुसपैठ दी कोशिश गी नाकाम बनाई दिता। सेना नै आखेआ जे कारवाई च इक आतंकवादी मारेआ गेआ ऐ। इस्सै दौरान उत्तरी कमान दे प्रमुख लैफ्टिनेंट जनरल प्रतीक शर्मा होरें पुंछ इलाके दा दौरा लाया ते Romeo Force Headquarter च सुरक्षा स्थिति दा जायजा लैता।

<><><><><><>

SSP Jammu Meet

SSP जम्मू जोगिन्द्र सिंह होरें कल जिला विशेष ब्रांच कन्नै इक उच्च स्तह दी बैठक लाई ते सुरक्षा स्थिति ते खूफिया तंत्र दे कम्म-कारवाइयें दा जायजा लैता। S.P Headquarters ते सारे DSB अफसरें एदे च हिस्सा लैता। इस दौरान तकनॉलोजी दे कन्नै मनुक्खी सोच-समझ दी महत्वै आहली भूमिका पर बी लौस पाई गई। SSP होरें मुकामी नेटवर्क गी होर मजबूत करने पर जोर पाया तां जे पैदा होई सकने आहली कुसै बी स्थिति कन्नै निबड़ेआ जाई सकै। इस दौरान मुख करी ध्यान नशीले पदार्थे खलाफ लड़ाई पर दिता गेआ। SSP होरें DSB दे जत्नें दी सराहना कीती ते जत्न जारी रक्खने लेई गलाया तां जे जिले गी नशीले पदार्थे दी कबैतू थमां मुक्त बनाया जाई सकै।

<><><><><><>

Vande Bharat Response

जम्मू ते श्रीनगर बश्कार चलने आहली “वंदे भारत एक्सप्रेस” रेल सेवा गी लेइयै यात्रिं दी दिल बधाने आहली प्रतिक्रिया हासल होआ करदी ऐ ते एह सेवा शुरु होए दे पैहले 10एं दिनें च गै 45 जहार कोला मते यात्री एहदे च सफर करी चुके न। आकाशवाणी दे जम्मू संवाददाता नै जानकारी दिती ऐ कि 2 मई गी शुरु होई दी इस सेवा राएं 10 मई गी 5 जहार 600 यात्रिं सफर कीता ते उस रोज़ गड्डी 98 प्रतिशत फुल गई। पैहले एह सेवा छड़ी कटड़ा ते श्रीनगर बश्कार ही ते एहदे च छड़े 8 गै डब्बे होंदे हे ते हून एह सेवा जम्मू तगर उपलब्ध ऐ ते एहदे च डब्बे दी गिनतरी बी बधाइयै 20 करी दिती गई ऐ ते जम्मू ते श्रीनगर बश्कार दा पैंडा हून 5 घंटें कोला बी घट्ट समें च तैह होई जंदा ऐ। हफते च 6 दिन उपलब्ध जम्मू-श्रीनगर वंदे भारत एक्सप्रेस सेवा सैलानिं- श्रद्धालुं- बपारिं- विद्यार्थियें ते होर मकामी लोकें लेई मती फैयदेमंद ते सहूलत आहली साबत होआ करदी ऐ। आकाशवाणी समाचार कन्नै गल्ल करदे होई किश यात्रिं आखेआ.



CS- Health

मुख्य सचिव अटल डुल्लु होरें प्रदेश दी सेहत एजेंसी S.H.A दी गवर्निंग काउंसल दी बैठक अध्यक्षता कीती ते समूलचे जम्मू-कश्मीर च “प्रधानमंत्री जन आरोग्य” योजना ते PM-JAY-SEHAT स्कीमें दी अमलावरी दा जायजा लैता उनें दस्सेया जे किस चाल्ती एह स्कीमां लक्खे लाभार्थियें गी बिजन नकदी दे सेहत सुविधां मुफ्त उलब्ध करा करदियां न ते टकोहदा करियै आर्थिक तौरा पर कमजोर तबके गी इनें स्कीमें दी मदद कन्नै काफी राहत थोआ करदी ऐ।

उ'नें आखेआ कि इनें स्कीमें तैहत पूरी पारदर्शिता बनाई रखदे होई- मामलें दा तौले ते समें-सिर नबेड़ा कीता जाना यकीनी बनाया जा। मीटिंगें च जानकारी दिती गई कि मजूदा पालसी अवधि दौरान- इनें स्कीमें राएं सुविधा देआ रदे सार्वजनिक अस्पतालें गी अदायगी करने लेई कोई पौने अट्ठ सौ करोड़ रपे मंजूर कीते गे। मुख्य सचिव होरें समूलचे केन्द्र शासत प्रदेश च सेहत सेवाएं गी म्यारी बनाई रखने लेई लम्मी अवधि आहली सुधार ते माली योजनाएं दी जरूरतें पर बी जोर दिता।



JMC- Green Jammu

जम्मू नगर-निगम (JMC) जम्मू गी इक साफ-सुथरा- हरा भरा ते पर्यावरण दे अनुकूल शैहर बनाने दे मकसद कन्नै इक विशेष अभियान शुरु करने दी त्यारी करा रदा ऐ। इस सरबंधें च JMC कमीशनर डाक्टर देवांश यादव होरें सीनियर अफसरें ते अधिकारियें कन्नै इक तफसीली बैठक लाइयै साफ-सफाई च सुधार करने- हरियाली बधाने ते पैहल च बद्दोबद्द लोकें दी शमूलियत यकीनी बनाने लेई रणनीतिएं पर चर्चा कीती। बैठक दौरान उ'नें दस्सेआ जे इक विशेष अभियान दे तैहत जम्मू शैहरा च 20 शा मते तलाएं ते पानी दे स्रोतें च सफाई ते मरम्मत दा कम्म चला रदा ऐ ते औने आहले हफतें च बी एह कम्म जारी रौहग। एहदे इलावा समूलचे शैहरा च 40 जहार शा मते बूहटे ते पौधे लाए जागंन। उ'नें आखेआ जे स्वयंसेवी इक समर्पित QR कोड दे राएं इनें बूहटे गी गोद लेइयै उन्दी दिक्खभाल दी जिम्मेवारी लेई सकदे न। देवांश यादव होरें आखेआ.



Anti- Drug Rally Jammu

जम्मू दे डिप्टी कमीशनर डाक्टर राकेश मिन्हास होरें कल डी.सी. दफ्तर थमां “नशा मुक्त भारत” अभियान तैहत इक जागरूकता रैली गी झंडी दस्सियै रवाना कीता। इस रैली दा मकसद युवाएं गी नशीले पदार्थें दे माड़े असर बारे जानकार बनाना हा। इस रैली च सरकारी ते निजी स्कूलें दे विद्यार्थियें बड़े उत्साह कन्नै हिस्सा लैता। किट्ठै गी सम्बोधित करदे होई डाक्टर मिन्हास होरें विद्यार्थियें गी सौहगा-सर्तक रौहने- नशीले पदार्थें गी बढ़ावा देने आहलें बारे जानकार बनाने ते अपनी ऊर्जा गी खेड्ठे च लाने दी गल्ल आकखी। विद्यार्थियें पराने जम्मू शैहर दा दौरा लाया ते उ'नें हत्थे च तख्तियां फगड़ी दियां हियां- जेदे पर नारे वगैरा लिखे गेदे हे। एह रैली चला रदे 100 दिनें दे नशा मुक्त अभियान दा हिस्सा ऐ। इस बारे गल्ल करदे होई डी.सी जम्मू डाक्टर राकेश मिन्हास होरें आखेआ.



Met Weather

मौसम विभाग नै पूरे जम्मू-कश्मीर च औंदे 24 घंटे दौरान होर मती बरखा ते गर्जी-चमकिए छट्टी पौने दी पेशनगोई कीती ऐ जिसलै कि किश थाहरें ऐन-गड़ा, शमानी बिजली पौने ते 50 कोला 60 किलोमीटर फी घंटा दी रफ्तार कन्नै अंधी-झक्खड़ झुल्लने दे असार दस्से न। लोकें गी सलाह दिती गई ऐ जे ओ 13 मई शामी तगर शिकारे-किशती वगैरा दी सोआरी नेंई करन ते करसान बी खेतरे च अपने कम्म अगड़े पाई सकदे न। मैहकमे नै अग्गे आखेआ ऐ कि 13 मई कोला लेइयै 17 तरीक तगर मौसम आमतौरा पर बदलोखड़ा बने दा रौहग- जिसले कि किश थाहरें पर हलकी कनी-कनोन होई सकदी ऐ। ओहदे बाद 18 मई गी केन्द्र शासत प्रदेश दिएं

टांवी-टांवी थाहरें पर गर्जी-चमकिये दरमेयाने दर्जे दी बरखा दे असार दस्से गेदे न। मगरा 21 मई तगर इक बारी परतिये झड़ आहली स्थिति बनी दी रौहग। इस बारे होर मती जानकारी कन्ने मौसम विभाग दे इक अधिकारी.

<><><><><><>